

ისტორიული ლაზეთიდან დაიწყო მსვლელობა ანყურის ღვთისმშობლისა და წმინდა ანდრია პირველწოდებულის ხატებით



ყველას გილოცავთ 12 მაისს, – ღვთისმშობლის წილხვდომილობისა და წმინდა ანდრია პირველწოდებულის საქართველოში შემობრძანების დღეს.

ტრადიციისამებრ, წელსაც, სრულიად საქართველოს კათოლიკოს-პატრიარქის, უწმინდესი და უნეტარესი ილია II-ის ლოცვა-კურთხევით, წმინდა ანდრიას გზით მსვლელობა 11 მაისს ისტორიული ლაზეთიდან დაიწყო ანყურის ღვთისმშობლისა და წმინდა ანდრია პირველწოდებულის ხატებით.

დღის მეორე ნახევარში ხატები მიბრძანდება გონიოში, მატათა მოციქულის საფლავთან და შემდეგ ბათუმის საკათედრო ტაძარში.

12 მაისს – დიდ აჭარაში, ხულოში წირვაზე. იმავე დღეს, საღამოს კი – ახალციხისა და ტაო-კლარჯეთის ეპარქიაში, შალვა ახალციხელის სახელობის საკათედრო ტაძარში.

13 მაისს ანყურის ტაძარში აღევლინება პარაკლისი, შემდგომ – ბორჯომ-ბაკურიანის ეპარქიაში

14 მაისს მსვლელობის მონაწილენი ხატებს მიაბრძანებენ სურამისა და ხაშურის ეპარქიაში

15 მაისს, დილით, – ურბნისისა და რუისის ეპარქიაში, შუადღეს პარაკლისი შესრულება ნიქოზისა და ცხინვალის ეპარქიაში, ხოლო საღამოს გორში.

16 მაისს გორიდან ხატები გადაბრძანდება სამთავისისა და კასპის ეპარქიაში, საღამოს კი – მცხეთაში, სვეტიცხოვლის ტაძარში.

17 მაისს, ოჯახის სინმინდის დღეს, ჩატარდება წირვა სვეტიცხოველში, 13:00 საათზე ხატები შემობრძანდება თბილისში და ქაშუეთის წმინდა გიორგის ტაძრიდან დაგეგმილ საერთო-სახალხო მსვლელობას წარუძღვება ყოვლადწმინდა სამების საკათედრო ტაძრისკენ.

ყველას, ვისთვისაც ოჯახის სინმინდე ღირებულია და ვისაც სურს, პატივი მიაგოს უფალს, წმინდა ანდრია პირველწოდებულსა და ანყურის ღვთისმშობლის ხატს, გაქვთ შესაძლებლობა, შეუერთდეთ ამ მსვლელობას.

ღმერთი სიყვარულისა იყოს ჩვენ შორის. ამინ!

P.S.

12 მაისს, ღვთისმშობლის წილხვდომილობისა და წმინდა ანდრია პირველწოდებულის საქართველოში შემობრძანების დღეს, სადღესასწაულო წირვას საპატრიარქო ტახტის მოსაყდრე, სენაკისა და ჩხორონყუს მიტროპოლიტი შიო (მუჯირი) მღვდელმთავრებთან და სამღვდელოებასთან ერთად აღავლენს მახათას მთაზე მდებარე ივერიის ყოვლადწმინდა ღვთისმშობლის ხატის სახელობის ტაძარში.

ღვთისმსახურება დაიწყება დილის 10:00 საათზე.

sazu.ge